

Sección de bolsas
Pavillón de Estudantes
Campus de Elviña
15071 A CORUÑA
Correo electrónico: bolsas@udc.es

CONVOCATORIA DE AXUDAS DE CARÁCTER XERAL DO PLAN PROPIO DA UNIVERSIDADE DA CORUÑA DESTINADAS AO ALOXAMENTO DOS ESTUDANTES PARA O CURSO 2017-2018

Mediante a presente convocatoria, a Universidade da Coruña, co obxectivo de promover a igualdade de oportunidades no ámbito da educación universitaria, así como mellorar a captación de alumnado, implementa, con cargo aos seus fondos propios, unha liña de axudas públicas ao aloxamento dos seus estudantes durante o curso 2017-2018, consonte ás seguintes bases:

BASES

1ª.- SOLICITANTES

Poderán solicitar axuda de aloxamento o estudantado que estea matriculado para o curso académico 2017-2018 na Universidade da Coruña en estudos conducentes á obtención dun título oficial de Grao ou Mestrado universitario oficial, ofertados pola Universidade da Coruña, así como nos estudos de doutoramento. Non se terán en conta os créditos validados, adaptados ou recoñecidos para os efectos académicos destas axudas.

Poderá ser beneficiario desta axuda o estudantado que curse estudos en réxime presencial e de matrícula a tempo completo. Ademais o estudantado solicitante debe acreditar a necesidade de residir fóra do domicilio familiar durante todo o curso, por razón de distancia entre o mesmo e o centro universitario, os medios de comunicación e os horarios lectivos. Para estes efectos considerarase domicilio familiar o máis próximo ao centro universitario que pertenza ou no que resida de forma habitual algún membro computable da unidade familiar, aínda que non coincida co domicilio legal do solicitante.

2ª.- ORZAMENTO E CONTÍA DAS AXUDAS

Para a concesión destas axudas a UDC destinará un total de 119.880€ con cargo á partida orzamentaria 030030025422D48003 e con cargo o orzamento para o ano 2017 polo importe máximo de 53.280€ e con cargo o orzamento de 2018 polo importe máximo de 66.600€. Este importe pode ser variado en función da dispoñibilidade orzamentaria. Concederanse 222 axudas cun importe máximo de 540€ consonte a xustificación dos meses de alugueiro (piso ou residencia), sendo condición necesaria que o alumno aboe un mínimo de 8 meses.

3ª.- SOLICITUDE. PRAZO E LUGAR DE PRESENTACIÓN

As solicitudes deberán cumprimentarse a través da aplicación informática a que se accede dende: <https://aplicacions.sic.udc.es/SolicitudResidencias>

Unha vez cumprimentada a solicitude deberá ser impresa e asinada pola persoa solicitante e polos demais membros computables da familia e terá que presentarse coa documentación esixida nos Anexo I e II na:

- Sección de bolsas da Universidade da Coruña (Pavillón de Estudantes- Campus de Elviña. A Coruña)
- SAPE do Campus de Ferrol (Edificio de Apoio ao Estudo, andar baixo-Campus de Esteiro-Ferrol).

O prazo de presentación comeza o día seguinte a publicación da convocatoria até as 14 horas do día 31 de outubro de 2017.

4ª.- EXCLUSIÓNS

Non serán admitidas as persoas solicitantes que non cumpran os requisitos esixidos nesta convocatoria e ademais:

- a) Como regra xeral, quen tiver o domicilio familiar no termo municipal da Coruña ou na súa área metropolitana que comprende os municipios de: A Laracha, Carballo, Betanzos, Oza-Cesuras, Miño, Curtis, A Coruña, Arteixo, Cambre, Culleredo, Oleiros, Bergondo, Sada, Abegondo, Carral, Cerceda e Ordes.

- b) Será así mesmo preciso que a persoa beneficiaria non estea en posesión ou non reúna os requisitos legais para a obtención dun título do mesmo ou superior nivel ao correspondente ao dos estudos para os que se solicita esta axuda.
- c) Esta axuda é incompatible coa concesión da contía fixa ligada a residencia da Convocatoria de Bolsas do Ministerio de Educación, Cultura e Deporte, así como con calquera outra axuda ou bolsa que teña a mesma finalidade.
- d) Esta axuda será incompatible coa que reciba o alumnado beneficiario dunha axuda ao transporte ao abeiro dos convenios asinados entre a UDC e os Concellos de Ferrol e Narón.
- d) Non se concedera está axuda cando se superen os límites de patrimonio familiar marcados polo Real Decreto 726/2017, do 21 de xullo, polo que se establecen os límites de renda e patrimonio para o curso 2017-2018 para as axudas e bolsas do Ministerio de Educación, Cultura e Deporte (BOE núm. 174 do 22 de xullo), nin cando a renda persoal dispoñible supere os 13.500€.
- e) O estudiantado que curse estudos no Campus de Ferrol só poderá acceder a esta axuda no caso de que, tendo solicitado praza na Residencia Pública de Ferrol, cumprindo os requisitos da convocatoria de prazas de residencia e pechado o proceso de adxudicacións, non fose adxudicatario da mesma por falta de prazas.
- f) Aquel alumnado que no curso 2017-2018 estea de ERASMUS ou nun programa de Intercambio ou convenio bilateral.

5ª.- TRAMITACIÓN DAS SOLICITUDES.

As solicitudes serán avaliadas pola Comisión de Extensión Universitaria, delegada do Consello de Goberno, ligazón:

http://www.udc.es/goberno/organos_colexiados_e_estatutarios/consello_goberno/comisions_estables.html

Unha vez que remate o proceso de avaliación de solicitudes publicárase a relación provisional de persoas adxudicatarias, así como a relación de solicitudes excluídas, xunto coa causa que implica a súa exclusión.

As persoas interesadas disporán dun prazo de sete días hábiles para achegaren a documentación que permita emendar os erros que se apreciaren.

A Comisión de Extensión Universitaria elevará ao reitor a proposta de resolución que incluírá as relacións definitivas, a listaxe de agarda se a houber, e as solicitudes excluídas. A resolución reitoral da convocatoria esgotará a vía administrativa e contra ela poderase interpoñer recurso contencioso-administrativo perante o xulgado contencioso administrativo da Coruña no prazo de dous meses a contar desde o día seguinte á súa publicación de conformidade cos artigos 46 e 8.2 a) da Lei da Xurisdición Contencioso Administrativa, aprobada por Lei 29/1998, do 13 de xullo. Non obstante as persoas interesadas poderán interpoñer recurso potestativo de reposición no prazo dun mes, segundo establece os artigos 123 e 124 da Lei 39/2015 do 1 de outubro do Procedemento Administrativo Común das Administracións Públicas.

Estas relacións non se publicaran até que estean dispoñibles na AEAT os datos da declaración da renda do ano 2016. Para os solicitantes de bolsas do Ministerio non se resolverá a súa axuda ate saber se lle conceden ou non o compoñente de residencia na bolsa do MECD.

No caso de serlle concedida a axuda a persoa solicitante deberá presentar na Sección de bolsas da UDC copia do contrato de aluguer fóra do domicilio familiar (piso, residencia etc...).

6ª MODO DE PAGAMENTO E XUSTIFICACIÓN

Esta axuda aboarase en dous prazos mediante transferencia a conta bancaria que sinala o alumno na súa solicitude e da que deberá ser titular ou cotitular.

O primeiro pagamento farase con cargo os orzamentos da Universidade do ano 2017 por un importe máximo de 53.280€ (240€ por alumno que corresponde a catro meses). Para facelo efectivo o alumnado deberá xustificar o gasto presentando na Sección de Bolsas o contrato de aluguer de piso/residencia así como o pagamento dos catro meses de 2017 (setembro, outubro, novembro, decembro). No caso de que o alumnado xustifique 3 meses ou menos de aluguer a contía diminuirase na proporción debida. Os xustificantes de gasto para poder facer efectivo o segundo pagamento terán que presentarse na Sección de bolsas da UDC antes do 10 de maio de 2018 que corresponde o resto das mensualidades e que ascende a 66.600€ (300€/alumno). Deberá xustificalo cos recibos correspondentes.

7º.- PERDA DO DEREITO A AXUDA

A falta de destino da axuda á finalidade para a que foi concedida dará lugar a súa revogación.

Entenderase que non se ten destinado a axuda á finalidade para a que foi concedida, as persoas adxudicatarias que teñan incorrido nalgunha das situacións seguintes:

- Ter anulado ou suspendida a matrícula
- Ter realizado unha modificación de matrícula que implique non estar matriculado a tempo completo.

8º.- AUTORIZACIÓN PARA OBTEN DATOS DA AXENCIA TRIBUTARIA

A presentación da solicitude de axuda de aloxamento implicará a autorización á Universidade da Coruña para obter e verificar a través das correspondentes administracións tributarias os datos precisos para determinar a renda familiar dos membros computables da familia do solicitante, así como aquelas outras situacións acreditativas das situacións persoais alegadas e que estean en poder dalgunha administración pública, para os efectos de obter axuda de aloxamento na UDC. Para iso é imprescindible que as solicitudes sexan asinadas por todos os membros computables da familia.

9º.- RÉXIME XURÍDICO DA PRESENTE CONVOCATORIA

No non previsto nas presentes bases, será de aplicación supletoria o disposto na Lei 9/2007, do 13 de xullo, de subvencións de Galicia (DOG nº 21, do 25 de xuño) e no seu regulamento aprobado por Decreto 11/2009, de 8 de xaneiro (DOG nº 20, do 29 de xaneiro do 2009).

As subvencións obxecto da presente convocatoria estarán exentas do IRPF nos termos previstos polo artigo 7 j) da Lei reguladora do Imposto da Renda das Persoas Físicas e o artigo 2 do seu regulamento de execución (Real Decreto 439/2007, do 30 de marzo).

Aplicarase así mesmo como lexislación supletoria o Real Decreto 1721/2007 do 21 de decembro polo que se establece o réxime das bolsas e axudas ao estudo personalizadas, o Real Decreto 726/2017, do 21 de xuño polo que se establecen os límites de renda e patrimonio familiar e as contías das bolsas e axudas ao estudo para o curso 2017-2018 e a Resolución do 3 de agosto de 2017 da Secretaría de Estado de Educación, Formación Profesional e Universidades pola que se convocan bolsas de carácter xeral para o curso académico 2017-2018 (BOE núm. 190 do 10 de agosto)

10º.-DISPOSICIÓN FINAL

Para os efectos previstos no artigo 45 da lei 39/2015 do 1 de outubro, do Procedemento Administrativo Común das Administracións Públicas, a presente convocatoria e os sucesivos actos do procedemento de concesión cuxa publicación se determina nestas bases, serán publicadas no taboleiro electrónico oficial da Universidade da Coruña.

A Coruña, 25 de agosto de 2017

O reitor

Julio E. Abalde Alonso

ANEXO I

REQUISITOS PARA SOLICITAR A AXUDA

Como regra xeral, a axuda ao aloxamento destinarase exclusivamente a aquel estudantado con matrícula oficial a tempo completo que resida fóra do domicilio familiar durante o curso. Para estes efectos considerárase como domicilio familiar o máis próximo ao centro docente aínda que non coincida co domicilio legal.

Para a adxudicación desta axuda requírirase que a persoa solicitante acredite que, por razón da distancia do domicilio familiar ao centro docente e os medios de comunicación existentes, ten que residir fóra do domicilio familiar durante o curso.

REQUISITOS PARA PERSOAS SOLICITANTES DE NOVA ADMISIÓN DE GRAO E MESTRADO UNIVERSITARIO OFICIAL

Estes solicitantes deben cumprir os seguintes requisitos:

Matricularse na Universidade da Coruña no curso 2016-2017 nalgún grao ou ben nun mestrado universitario oficial.

O estudantado que acceda por primeira vez a estudos universitarios mediante a ABAU deberá ter nas mesmas unha cualificación igual ou superior a 5 excluindo a nota da fase específica. No caso do alumnado que acceda por primeira vez a estudos universitarios sen ABAU deberá de ter un 5 de nota media nos estudos que lle dean acceso á universidade.

O resto do estudantado (grao e mestrado universitario oficial) deberán ter como mínimo a media seguinte:

- En estudos de ensino técnico: 3,5
- Nos restantes estudos universitarios e superiores: 4

En todos os casos a puntuación académica será en base 10 e estará referida sempre ata a convocatoria de xuño de 2017.

Para o cálculo da nota media en base 10 se aplicarán as seguintes regras:

1.- As cualificacións computaranse de acordo co seguinte baremo:

- a) Mención de matrícula de honra (Sobresaliente e Mención) = 10 puntos
- b) Sobresaliente (entre 9 e 10 puntos) = 9 puntos
- c) Notable (entre 7 e 8,9 puntos) = 7,5
- d) Aprobado ou apto (entre 5 e 6,9 puntos) = 5,5
- e) Suspenso, Non presentado, renuncia, anula convocatoria = 2,5 puntos

2. Cando se trate de planos de estudo organizados en materias, a nota media calcularase dividindo o total dos puntos obtidos entre o número total de materias.

3. Cando se trate de planos de estudo organizados en créditos, a puntuación que resulta de aplicar o baremo anterior a cada materia ponderarase en función do número de créditos que a integren de acordo coa seguinte fórmula:

$$V = \frac{P \times NC_a}{NC_t}$$

V= valor resultante da ponderación da nota media obtida en cada materia

P= puntuación de cada materia segundo o baremo do apartado anterior

NCa= número de créditos que integran a materia

NCt= número de créditos cursados e que teñen a consideración de computables nesta convocatoria.

Os valores resultantes da aplicación da citada fórmula sumaranse, sendo o resultado a nota media final.

No caso de non estaren matriculados no curso 2016-2017, os requisitos académicos esixiránelles respecto ao último curso realizado.

REQUISITOS PARA PERSOAS SOLICITANTES DE DOUTORAMENTO

Poderán ser admitidos a trámite como estudantes de doutoramento, para os efectos desta convocatoria:

- O estudantado que reúna os requisitos de acceso ao doutoramento vaian solicitar a súa admisión nalgún programa de doutoramento da Universidade da Coruña no curso 2017-2018. A concesión da subvención estará condicionada á matrícula definitiva dos solicitantes nos estudos de doutoramento, e perderán de forma automática o dereito á axuda no caso de non seren aceptados nos citados estudos. A matrícula ten que ser a tempo completo.
- O estudantado que estea no segundo ou terceiro ano da fase de elaboración de tese de doutoramento deberá ter avaliado positivamente o plano de investigación e as avaliacións anuais de investigación, segundo o RD 99/2011, do 28 de xaneiro, polo que se regulan as ensinanzas oficiais de doutoramento (BOE núm. 35 do 10 de febreiro). A matrícula ten que ser a tempo completo.

ANEXO II**DOCUMENTACIÓN QUE SE DEBE ACHEGAR COAS SOLICITUDES****I.- DOCUMENTACIÓN XERAL**

- Copia do DNI da persoa solicitante e dos membros computables da familia maiores de 14 anos. No caso de seren menores de 14 anos copia do libro de familia.
- Certificado de convivencia do Concello no que figuren todos os membros que vivan no domicilio familiar, incluído o/a solicitante.
- As persoas con discapacidade: certificado de cualificación da discapacidade.

II.- DOCUMENTACIÓN ACADÉMICA

- O estudantado que se incorpore por primeira vez á Universidade da Coruña deberá achegar o documento acreditativo da cualificación final obtida nas ABAU (copia tarxeta selectividade).
- O estudantado que proceda de F.P. deberá achegar certificación académica persoal dos estudos que lle dean acceso a universidade.
- O estudantado de grao ou mestrado universitario oficial que no curso 2016-2017 estivese matriculado nunha universidade distinta a UDC deberá presentar unha certificación oficial dos estudos realizados.
- O estudantado de doutoramento que acceda por primeira vez a un programa, deberá presentar unha certificación académica das cualificacións obtidas ao longo de todos os cursos da súa carreira no caso de que non realizara a carreira na Universidade da Coruña. Cando o estudantado veña continuar estudos de doutoramento nesta universidade deberá presentar unha certificación académica da investigación realizada na universidade de procedencia.

III.- DOCUMENTACIÓN ECONÓMICA ESPECÍFICA

A Universidade de acordo co punto 8º da convocatoria solicitará ás administracións tributarias os datos necesarios para determinar a renda familiar dos membros computables da familia da persoa solicitante, polo que non haberá que achegar documentación económica (*) agás nas situacións e casos que de seguido se enumeran:

a) Se a solicitude de axuda é formulada por persoas que formen parte de unidades familiares nas que as administracións tributarias non dispoñan de datos, será a persoa solicitante quen debe aportar información fidedigna sobre a situación económica de renda e patrimonio da súa unidade familiar : fotocopia do certificado anual de calquera tipo de ingresos percibidos no ano 2016 (traballo, pensións, rendementos capital mobiliario, etc.) onde figuren as retencións do IRPF e as cotizacións a Seguridade Social dos membros computables que non fan a declaración da renda; certificado de vida laboral dos membros computables que non fan a declaración da renda, no caso de seren pensionistas copia do xustificante anual da pensión ou pensións.

b) Do mesmo modo se existisen dificultades técnicas que impidan ou dificulten a cesión dos datos por parte das administracións tributarias, requirirase a persoa solicitante a presentación do certificado resumo da declaración anual dos imposto da renda das persoas físicas ou o certificado de imputacións, de ser o caso, dos membros computables da súa familia.

c) No caso de que a persoa solicitante alegue a súa independencia familiar e económica, calquera que sexa o seu estado civil, non poderá optar a esta axuda xa que se considera como residencia do estudante a que vive durante o curso.

d) No caso de estudantado estranxeiro:

- Se son nacionais dun Estado membro da Unión Europea teñen que ter a condición de residentes permanentes ou acrediten ser traballadores por conta propia ou allea.

Se son estranxeiros non comunitarios: ser residentes segundo o disposto na normativa sobre dereitos e liberdades dos estranxeiros en España e a súa integración social. As persoas solicitantes estranxeiras non comunitarias terán que acreditar a condición de residentes legais na data en que expire o prazo de

presentación de solicitudes. Quedan excluídos de seren beneficiarios destas axudas quen se atope en situación de estancia ou residencia por estudos de acordo co disposto na Lei orgánica 4/2000, do 11 de xaneiro, sobre dereitos e liberdades dos estranxeiros en España e a súa integración social.

De selo caso deberase achegar tamén:

- Copia da sentenza de separación ou divorcio e convenio regulador.
- Xustificación de viuvez, soltaría, separación ou divorcio do pai/nai do/a solicitante.
- Xustificante de orfandade absoluta do/da solicitante.
- Copia da acta de constitución de sociedades e do imposto de sociedades.

(*) Esta convocatoria non se resolverá até que estean dispoñibles na AEAT para o seu cruce os datos das declaracións da renda do ano 2016

ANEXO III

BAREMOS PARA A AVALIACIÓN DAS SOLICITUDES DE AXUDA

A puntuación total será a suma das puntuacións académica e económica obtida consonte aos seguintes criterios:

A) Puntuación académica

Para estudantes que inician estudos universitarios a puntuación académica será a cualificación obtida na ABAU, excluíndo a nota da fase específica. No caso de que se acceda á Universidade sen ABAU a puntuación académica será a media do expediente dos estudos que lle dan acceso á universidade.

Para o resto do estudantado de grao e mestrado universitario oficial a puntuación académica será a nota media calculada consonte ao especificado no Anexo I desta convocatoria.

Para o estudantado de doutoramento a puntuación académica virá dada pola nota media obtida nos seus estudos de licenciatura ou mestrado conforme ao establecido no parágrafo anterior.

B) Puntuación económica

A puntuación económica outorgarase en función da Renda Persoal Dispoñible definida como a Renda familiar da persoa solicitante, calculada segundo establece o Real Decreto 726/2017 do 21 de xullo polo que se establecen os límites de renda e patrimonio familiar e as contías de bolsas e axudas ao estudo para o curso 2017/2018 así como a Convocatoria de bolsas de carácter xeral para o curso 2017-2018 do Ministerio de Educación, Cultura e Deporte (Resolución do 3 de agosto de 2017 BOE núm. 190 do 10) dividida polo número de membros da unidade familiar.

A equivalencia será a seguinte:

RENDA PERSOAL DISPOÑIBLE (RPD)	PUNTOS
Por debaixo de 3.771 euros	4
Entre 3.771,00 e 4.822,66 euros	3,6
Entre 4.822,67 e 5.874,33 euros	3,2
Entre 5.874,34 e 6.926,00 euros	2,8
Entre 6.926,01 e 7.977,67 euros	2,4
Entre 7.977,68 e 9.029,34 euros	2
Entre 9.029,35 e 10.081,01 euros	1,6
Entre 10.081,02 e 11.132,68 euros	1,2
Entre 11.132,69 e 12.184,35 euros	0,8
Entre 12.184,36 e 13.236,00 euros	0,4
Superior a 13.236,00 euros	0

A Vicerreitoría de Estudantes, Participación e Extensión Universitaria poderá conceder unha puntuación adicional de entre 0 e 4 puntos ás persoas solicitantes de acordo co seu grao de discapacidade e as súas implicacións para a mobilidade e o desenvolvemento das actividades cotiás. Esta puntuación sumarase á obtida de acordo co seguinte baremo:

Grao de discapacidade 33%: 1 punto

Grao de discapacidade entre o 34% e o 50%: 2 puntos

Grao de discapacidade entre o 51% e o 75%: 3 puntos

Grao de discapacidade superior ao 75%: 4 puntos

A ocultación ou falseamento dos datos declarados implicará a perda da axuda. A UDC poderá determinar que se da ocultación ou falseamento por calquera medio de proba, e en particular, mediante os datos que obren en poder de calquera outro órgano das administracións públicas. A UDC tamén poderá denegar esta axuda ou proceder a súa revogación no caso de se detectaren unidades familiares que xustifiquen uns ingresos que obxectivamente estean por debaixo do seu nivel de gastos si non acreditan os medios de vida cos que contan. Ou se estime que se xustifican uns ingresos que estean por debaixo do nivel de gastos da unidade familiar, en función da documentación presentada e outros signos externos.

A ocultación de rendas tanto sexan de traballo por conta propia ou allea, de pensións, exercicio de profesións liberais, en explotación agropecuarias, industriais ou comerciais, capital mobiliario ou inmobiliarios ou outros elementos patrimoniais, darán lugar a denegación da axuda solicitada, a modificar a resolución da concesión e acordar o reintegro, sen prexuízo doutras actuacións as que houber lugar.

(*) Esta convocatoria non se resolverá até que estean dispoñibles na AEAT para o seu cruce os datos das declaracións da renda do ano 2016

A Coruña, 6 de outubro de 2017